



杞縣志

十七十八

DS
793
H520.564
1788
V.9





杞縣志卷之十七

人物志五 隱逸 善良

隱逸

古人稱窮不失義達不離道蓋遇有窮達而所以
守道者則一也士君子不幸遭世末流知幾遠遁
以儉德避難尙矣卽或時非險阻而一邱一壑抱
道自守不求名利夫亦足以愧世之營營於奔競
者漸鴻介石易所爲以貞吉占也夫

周

北宮殖雍邱人操舟捕魚蚌自給夜宿河濱忽獲

夜光之珠明照百步雍邱之人以殖得奇寶也爭
刺羊豚往賀之曰自若居雍邱出則澡舟入則舍
舟其衣罔罔爾其食扈扈爾宋人之婁者未有過
於若也今一旦得奇寶者世所珍也何欲不饜哉
宋大夫聞之亦往賀曰宋君欲求照乘之珠十枚
既有其九環宋國之疆而招之無有應者不意若
得之河濱也若當襲以阿錫貯以寶槧吾絜若西
獻之貴與富弗須口也北宮殖將行其父始還自
秦北宮殖具以告其父哭曰予居雍邱十世矣安
於一舟今以是珠獻必致富貴富貴則驕驕則暴

暴則亂亂則危危則大壞而後已求如今日操持
尙何可得耶吾安用是爲也吾安用是爲也碎之

東漢

范丹字史雲

丹史作冉

外黃人也少爲縣小史奉檄迎

督郵耻之乃遁去到南陽受業於樊英又遊三輔
就馬融通經歷年乃還丹好違時絕俗爲激詭之
行嘗慕梁伯鸞閔仲叔之爲人與漢中李固河內
王渙親善而鄙賈偉節郭林宗焉桓帝時以丹爲
萊蕪長遭母憂不到官後辟太尉府以狷急不能
從俗常佩韋於朝議者欲以爲侍御史因遁身逃

命於梁沛間徒行敝服賣卜於市遭黨人禁錮遂
推鹿車載妻子捋拾自資或寓息客廬依宿樹蔭
如此十餘年乃結草室而居焉所止卑陋有時絕
粒言貌自若閭里歌之曰甌中生塵范史雲釜中
生魚范萊蕪及黨禁解爲三府所辟乃應司空命
尋自劾退又辟太尉府以疾不行中平二年年七
十四卒於家臨終遺令勅其子曰余生昏闇之世
不得匡世濟時死何忍自同於世氣絕便斂斂以
時服衣足蔽形棺足周身斂畢便穿穿畢便埋墳
封高下令足自隱而已於是三府各遣令史奔弔

大將軍何進移書陳留太守累行論諡僉曰宜爲
貞節先生會葬者二千餘人刺史郡守各爲立碑
表墓焉丹別傳云丹使兒招麥得五斛隣人尹臺
遺之一斛丹妻受之後丹知並以六斛送
臺言麥雜
遂不取

夏馥字子治閬人也少爲書生言行質直同縣高
氏蔡氏並皆富殖郡人畏而事之馥閉門不與交
通由是爲豪姓所仇桓帝初舉直言不就馥雖不
交時宦然以聲名爲中官所憚遂與范滂張儉等
俱被誣陷詔下州郡捕爲黨魁及儉等亡命經歷
之處皆被收考辭所連引布徧天下馥乃頓足而

嘆曰孽自己作空污良善一人逃死禍及萬家何以生爲乃自剪鬚變形入林慮山中隱匿姓名爲冷家傭親突烟炭形貌毀瘁數十年無人知者後馥弟靜乘車馬載縑帛追之於涅陽市中遇馥不識聞其言聲乃覺而拜之馥避不與語靜追至客舍共宿夜中密呼靜曰吾以守道疾惡故爲權宦所陷且念營苟全以庇性命弟奈何載物相求是以禍見追也明旦別去黨禁未解而卒

申屠蟠字子龍外黃人也九歲喪父哀毀過禮服除不進酒肉十餘年每忌日輒三日不食家貧傭

爲漆工郭林宗見而奇之同郡蔡邕深重蟠及被
州辟乃辭讓之後郡名爲主簿不行遂隱居精學
博貫五經兼明圖緯始與濟陰王子居同在太學
子居臨歿以身託蟠蟠乃躬推輦車送喪歸鄉里
事畢還學太尉黃瓊辟不就及瓊卒歸葬江夏四
方名豪會帳下者六七十人互相論談莫有及蟠
者舉有道不就先是京師遊士汝南范滂等非許
朝政太學生爭慕其風以爲文學將興處士復用
蟠獨嘆曰昔戰國之世處士橫議列國之王至爲
擁篲先驅卒有阮儒燒書之禍今之謂矣乃絕跡

於梁碭之間因樹爲屋自同傭人居二年滂等果
罹黨錮或死或刑者數百人蟠確然免於議論大
將軍何進連徵不詣進必欲致之使蟠同郡黃忠
致書勸之蟠不答中平五年復興荀爽鄭元及潁
川韓融陳紀等十四人並博士徵不就明年董卓
廢立蟠及爽融紀等復俱公車徵惟蟠不到衆人
咸勸之蟠笑而不應居無幾爽等爲卓所脅迫西
都長安京師擾亂及大駕遷公卿多遇兵饑室
家流散融等謹以身脫惟蟠處亂終全高志七十

四終於家

蟠救續王事詳見
後漢書不具載

晉

范喬字伯孫粲之子也二歲祖馨臨終撫喬首曰
恨不見汝成人因以所用硯與之至五歲祖母以
告喬喬便執硯涕泣弱冠受業於樂安蔣國明深
相器重光祿大夫李銓嘗論楊雄才學優於劉向
喬以爲向定一代之書正羣籍之篇使雄當之故
非所長遂著劉楊優劣論喬好學不倦父粲佯狂
不言喬與二弟並棄學業絕人事侍疾家庭至粲
沒足不出邑里司隸校尉劉毅嘗抗論於朝廷曰
使范武威疾若不篤其爲伯夷叔齊復存於今如

其疾篤益是聖主所宜哀矜其子久侍父疾名德著茂不加敘用深爲朝廷惜遺賢之譏也元康中詔求廉讓冲退履道寒素者不計資以參選敘尙書郎王琨乃特薦喬時張華領司徒天下所舉凡十七人於喬特發優論於是除安樂令辭疾不拜喬凡一舉孝廉八薦公府再舉清白異行又舉寒素一無所就初喬邑人臘夕盜研其樹人有告者喬佯不聞邑人愧而歸之喬往喻曰卿節目取柴欲與父母相歡娛耳何以愧爲其通物善導皆此類也外黃令高頴歎曰諸士大夫未有不及私者

而范伯孫恂恂率道名諱未嘗經於官曹其爲人所歎服如此卒年七十八

唐

許碣高陽人累舉進士不第晚學道於王屋山周覽五嶽名山每於懸崖峭壁處必題云許碣自峨嵋山訪偃月子到此觀者莫測其意又嘗醉吟曰閨苑花前是醉鄉誤傾王母九霞觴羣仙拍手嫌輕薄謫向人間作酒狂後於廬江酒樓醉歌人見而奇之不知所終

宋

邢敦字君雅不知何許人家於雍邱與宋準趙昌
言交遊甚厚太平興國初舉進士不第慨然有隱
遯意性介辭不妄交遊耽玩經史精於術數工繪
畫頗嗜酒或遊市廛過客詢以休咎者多不之語
里中號邢夫子大中祥符七年眞宗幸亳召見問
以治道對曰陛下東封西祀皆已畢矣尙復何言
眞宗大悅詔曰敦早預詞林勤修天爵超然退處
亦旣累年俾參郡學之職以寵耆德遂除許州助
教敦讓而不受乾興元年無疾而卒年七十四

楊樸眞宗時人上東封訪天下隱士得樸知其能

詩召對自言不能上問臨行有人作詩送卿否樸
言獨臣妻有詩一首云更休落魄貪杯酒切莫猖
狂愛詠詩今日捉將官裏去這回斷送老頭皮上
大笑放還山

馬正卿字夢得仁宗時人爲大學正清苦有氣節
學生旣不喜博士亦忌之蘇東坡偶至其齋中書
杜子美秋雨歎於壁間初無意也而正卿卽日辭
歸不復出至於白首窮餓守節如故

元

傅彥和順帝時人善吟咏至元間屢徵不就時人

異之號河濱處士著有河濱詩集行世
明

馮瑋字玉九考城人占籍於杞遂爲杞人生而穎
異年十二補邑庠員督學陳騰鳳奇其文每試輒
冠天啟丁卯領鄉薦崇正癸未舉進士次年三月
京師陷會福藩擁立瑋走江南是時江南尙隸明
籍乙酉授德清知縣德清邑小而賦重復丁禍亂
民多逃竄瑋至雖還定安集而大事已去遂解組
歸歸之日至留俸金以充餉其急國難可知也
命後去杞僦居淩儀境屏跡公庭者五十年絕口

不言仕進終日閉門却掃或執友過訪則笑語
日無倦容而獨不喜接貴顯開府羅繡錦常欲以
遺逸薦之辭不應命司農梁清標瑋同年友招論
平藩至杞瑋布衣方袍與周旋飲酒賦詩洽如也
欲引之仕不答躬耕餘資惟多購經籍以爲娛樂
上幾萬卷每讀書必盥濯肅衣冠去几尺許不以
手與物觸之曰狼藉書冊者非真讀書人也年八
十餘披覽常至夜分明季舉業尙浮華瑋爲文一
遵先型成宏來法脈詞旨純粹其四子書毛詩春
秋皆有註解未授梓平生寡交遊未登第時日與

里中劉中允爲莫逆交持論若合符節中允殉國
遂無同調者卒年八十八門人按諡法私諡曰貞
文先生云

馬之驪幼嗜椒自號椒史年博極羣書旣長主
梁園文社素困場屋因得肆志於古詩文甲申國
變僑寓淮陰聞懷宗殉宗社慟悼不已遂棄鉛槧
學從軍督帥劉澤清聞其名辟掌書記旣至察其
非乃心王室者遂辭去尋會革命計年當膺歲薦
棄家遠避授徒自給親歿後棄妻子之嵩山寓居
密縣之起化寨攜所著書日坐大樹下與門人李

方山輩叅訂異同密令聞其名屏僕從訪之卒不
見每三月十九日輒屏輩酒局戶拒客焚香伏謁
涕泗沾衣人莫知其故也寓起化十載年近耆有
以首邱動之者驪慨然曰予之當死久矣尙牽情
兒女存首邱之思耶竟以疾終方山爲備棺殮之
所著陰符經解諸書容城孫奇逢爲之序

張枬杞久性狷介篤孝友善屬文雅志高尙雖貧
不吝施予旣老怡情詩酒善花卉號青指道人臨
終自銘其棺卒年八十

孔時發字式中貞一子賦性方介邑令李春旺爲

諸生懼大獄貞一以御史按蜀憐其才力出之及
成進士來知杞縣事時貞一已歿李下車卽抵墓
哭之多方求報而時發始終不干以私李高其品
崇正壬午以歲薦授浙江衢州府訓導甲申國變
乙酉浙東失守朱大典張國維等起兵時發見
幾而作掛冠歸里郡守王榜醇留不願而去旣歸
決意不仕以終

國朝

張沆字漢北由拔貢中康熙乙酉科舉人博學能
文性剛直落落寡合終日杜門危坐一室蕭然衣

冠古朴不隨時好世方以奔趨爲賢沆獨恬退足跡不至宰室人罕知之後選縣教諭力辭不就中丞田公目之曰此人坦率徑直足勵士風但不合時宜耳隱居東岡教授生徒意淡如也

侯作霖字霖蒼杞縣人虞城庠生應徵五世孫好黃老術不慕榮利家有田園菓樹見窃者恐其愧乃避之人共推爲長者居二頃園修亭池栽花種竹焚香默坐少長見者皆畏敬二十餘年足跡不入城市著有二頃園集四卷藏於家

侯端成字頂頑號陽齋太學生善書法孝友性成

豁達大度奉親撫弟外惟嗜誦讀不趨炎熱移居
邑右潭北庄構志怡草堂栽花種竹終身飲酒賦
詩以自娛年七十餘卒

善良

彼諄諄於倫常日用之地而束身砥節以敦實行
者夫旣載在篤行中矣外此而又標曰善良安知
非鄉愿者流似是而非以沽譽鄉曲者耶雖然匹
夫慕義何處不勉苟有一二事足以厚宗族睦鄉
黨惠貧乏是亦善之類也此而沒之非與人爲善
之意也茲故仍舊志錄之爲好行其德者勸

明

鄒義正統時人性篤實因歲歉輸米麥千百石同時楊義聞之曰昔人耻獨爲君子吾奈何以慳爲亦出米麥千一百石事聞各賜勅獎諭旌爲義民後鄒年九十八乃卒而揚子孫至今繁昌

聶英字文華成化時人因歲饑出粟千石同時有秦友者亦如之名勅賜爲義民

孫貢字順用出粟千餘石救荒由陰陽術訓拜宣武衛指揮使視事本衛月加俸一石其優禮如此張廷恩字世榮質性明慈善理財蚤夜勞心無何

成聚更數年遂累家鉅萬闢地數千頃當正德丙子歲饑出粟千石賑焉已而又饑則又出如之省臣疏上武廟以義旌焉尋捐金爵宣武衛指揮使或曰君財用弗匱散益集者何也廷恩曰人情圖後則效前受投而思報故不勞而用集增糴誰弗我輸減出誰弗我糴故財萃而外無怨惠流而內弗竭雖盜亦不我謀焉時以爲格言長子希仁字天元少爲諸生數試不利迺入國學久之謝去以家計盡屬弟雅志沉冥嘉靖乙丑歲聞部計上歉捐金數百鎰明年又蠲如之上命自太學生加授

指揮使次子希義字天秩國學生有女淑儀爲周
康王妃授兵馬指揮使豁達有父風然才智博辨
尚古右文出其父上嘗同兄兩出粟金數千大資
國用上嘉之乃進前爵至三品戊戌秋黃河決復
出錢五萬貫助工辛丑又出粟千六百石助之土
命建坊以旌世德

張稠字春麓廷恩曾孫邑庠生性孤介不喜治家
而性好施與祖產累數千金比晚歲都盡猶濟人
不倦平生工詩好客日手一編吟咏未死時自銘
其壙年八十卒

本縣志
卷之十一
三
國朝

王廷佩吳慤嘉靖間各捐金千兩粟麥千餘石事聞上甚嘉之並授指揮使仍詔立坊以彰其德

孫平字敬之賦性純篤樂行善事嘗施棺木衣食值人困苦如夫妻不能完聚子女將至割舍者必保全之雖歲費百金弗惜也其妻張氏亦嘗勸襄卹親族里中有二難稱康熙辛未七月十四日同時卒三韓李公旌其門曰德人偕老

鬻盃翁者不知何許人順治初來杞鬻盃口不二價無妻子市罷自爲炊或沽酒酣飲鼓琵琶自歌

人莫測其意囊有贏餘輒以施人修東郭外橋施
百金己未歲饑施穀三百石己巳又施四百石遇
歲稍儉卽躬煮粥飼饑者囊盡復販盥俟有餘又
復然如是者四十年計千餘石里人有義之者詢
其名欲聞之官則不答惟傳其姓匡故人多呼爲
匡翁云

陳力仁字茂修歲貢生天性孝友適母邊氏早故
仁善卹其外家數十年不懈胞叔碧家貧仁悉力
奉養所費無筭碧亡仁以地一頃奉叔母膳又堂
弟五人各與地一頃爲活計宗族鄉黨間婚喪不

給者無不量力周濟乾隆五年邑令王大樹申請入彰善坊上憲給匾曰一方楷模

趙莢字丕承武庠生篤於天顯兄弟六人同居無間言有族弟貧無依莢收養之死則殯葬之有妹早孀莢爲立繼並與產爲終身計遇困窮鬻妻棄子者率周濟俾之完聚窮佃數十家負債二百餘金盡焚其券其助婚施棺更不勝計乾隆六年邑令王大樹申請入彰善坊

陳永公字長侯候補典籍廳世篤忠厚公尤慷慨仗義於人之窮困鬻妻子及婚喪不能舉者耳目

所周無不解囊相贈所施無筭凡境內寺宇樁梁
有大修造輒捐助乾隆六年里人公舉邑令王大
樹旌之

張達太學生篤於骨肉嘗出己資以葬叔父母繼
母弟少亡撫卹其妻子無失所姻戚族黨婚喪不
給者必濟之荒歲減價糶糧人皆感德邑令王大
樹旌曰克敦倫紀

宋呈瑞字獻文太學生性好施濟出己資爲堂弟
完婚會典隣田七畝歲歉憐其窮餓歸之遇水災
捐己地開渠濟洩又買許永輝無糧地二十六畝

零施廣濟堂贍貧至應追價銀八十餘兩悉義讓
焉上憲給匾旌之

楊坤字職載吏員有至性厚骨肉助婚賻喪捐施
累百子守祖已爲楊朋後憐族姪守貴貧讓其承
嗣產盡付之毫無染指卽費以葬朋者亦不責償
其慷慨類如此邑令王大樹申請入彰善坊

彭守仁太學生事繼母至孝遇母疾仁夫婦同禱
於神願減己筭以延親壽堂姪早亡仁加意撫卹
其妻子親族有貸不克償者皆置不問曾遇江南
流民尹姓一家六口餓將斃仁捐金救之邑令王

大樹申請上憲給匾旌獎

張子珍樂善好施有河北人劉姓欲賣其妻珍施銀二十兩保全之梁姓賣女珍代爲回贖其輕財重義全人骨肉類如此修蓋寺廟所施累三百餘金地九十餘畝邑令王大樹旌曰一鄉善士何贊邑庠生以孝友著時親疾三載不懈因弟功名未就分產時讓田百畝延師訓子四方就學者贊悉鼓勵多所造就邑侯王之衛旌爲一方公正韋維庚太學生居家孝友鄉里和睦施棺濟貧勸善規過邑令王大樹旌曰德重鄉評

李永祥武庠生有兄四人祥事父母養生送死獨
竭心力不以累兄代叔完逋負以免官刑凶歲散
糧以濟族黨篤於友誼恩及奴僕邑令王大樹旌
曰推惠存誠

徐學思邑庠生善岐黃術以活人濟世爲懷不計
財利恒捐資賑貧乏嘗還婢而減其價遇修寺廟
輒樂施與邑令王大樹旌曰敦本樹德

丁孟澤字沛祥陽堠人天性孝友事親勤色養父
母卒喪葬盡禮逢祭掃必躬親之衰者時常如孺
慕與義兄同居室無詬誶聲兄役無義徑仰子亡

親族隣里冠婚喪祭無不勉力助雍正己酉歲荒
有貧佃數家欠糧百餘石銀百餘兩悉焚其券且
爲周濟俾免流離遇里中爭訟必排難解紛令其
和睦乾隆丙寅年八十有六舉德壽邑令旌其門
曰雍邱人瑞

李旺篤於手足分產相讓兄弟有早亡者旺撫卹
其妻子無失所家資頗豐遇凶歲必周親族濟貧
乏減佃丁地租年八十六邑令王大樹旌曰積善
延齡

劉昌向字龍驤幼習儒業居家孝友事父疾數月

無倦容居喪如古禮事繼母能得歡心與弟分產讓田二十畝憐弟幼也有堂弟窮困向典已產以濟之合學公舉學憲張表其閭曰庸德之行

崔瑄有堂兄珍遠出伯父起龍與嫂吳氏並子女二人貧苦無依瑄代珍仰事俯育及伯與嫂相繼亡瑄竭力殯葬爲其子女婚嫁邑令王大樹申請入彰善錄

李琪歲貢生家資饒裕性好施濟歲饑市無鬻糧者琪開倉平價招糴有極貧無資者琪各給與數升邑令王大樹旌曰王郎爲襄

王嘉武庠生樂善好施遇長垣流民賈炎夫婦賣
女施錢五百免其分離又捐資首事約會同人修
酈生祠年八十三邑令王大樹給匾曰德壽雙高
入彰善錄

王大武武庠生周貧濟急始終不忘董修酈生祠
鳩工庀材不辭勞瘁邑令王大樹給匾曰樂善不
倦入彰善錄

王可立有堂弟婦劉氏姪孫婦李氏皆孀居加意
周卹並撫育其幼子不致失所邑令王大樹給匾
曰克敦一本

趙鮑字漢良太學生兄弟叔姪五世同居雍睦無
間族人憫戚賴以舉火者數家給銀給糧歲有常
數歷久不懈遇饑寡孤獨尤加意周卹焉至助婚
賻喪施棺捨藥平修道塗不可枚舉乾隆五年邑
令王太樹申請入彰善坊

楚大成生員楚岐子也家早故事祖以孝聞弟幼
成以力作曠儒業大成卹其妻子俾專力於學邑
令王太樹給匾曰惟本是務

周蘭世農夫偶拾遺金俟其人不還白於官後失
者領去邑令李崇生給匾曰義重千金

王樹中專繼母至孝繼母弟致中犯罪繫獄樹中
變已產代爲完贖並撫育其妻子邑令王大樹以
倫紀克敦表其閭

劉源寧字永康太學生賦性純篤祖母疾佐父母
侍醫藥數月不懈祖父將終出五百金貽之寧泣
受悉爲賻贈其餘分於姑姊後其親歿居喪盡哀
盡禮庶母弟源福生數月母亡寧教育之同於怙
恃緣親疾善岐黃凡四方求醫無論晦明風雨必
親往貧不能易藥餌者且代償之族中子弟無力
就傅皆爲延師造就云

侯千爵字燕德庠生少穎悟凡器皿奇技皆不經傳授輒能運巧思創作年八歲出繼堂叔後嗣母劉氏苦志守節爵善事之後爲請旌平生閉戶讀書不干外事每與弟姪孫曾輩唱和吟詩以盛唐爲宗晝錄夜吟至老不倦時有叔姪構訟者陰以金贈求直千爵笑而卻之至其慷慨濟人雖四壁蕭然不顧也卒年八十有四子扶邑庠生有父風侯璵字負若邑庠生性至孝聰穎好學年十三童試輒冠軍以外艱停考繼而祖病瘋母病失血菽水艱難與百計以奉兩世或勸之應試則曰方日

侍湯藥吾忍刻離膝下乎至兩世諫世哀感行路
喪畢一應試卽遊庠然終絕意進取惟授徒講學
以自給或有餘卽以濟親族丙子歲歉出所積穀
以周貧乏後有償者卒不取至今里黨思之所著
有栖雲堂制藝願學編近體詩

李懋烈字承武杞縣人通許籍西安令維嵩第四
子捐州同職性剛直人皆敬憚之事親色養兼備
事兄恭謹持家有法喜推解隣里有貧乏者量力
施助無德色賴以安全者甚衆撫憲王諱士俊以
德重主璋旌其門邑侯陳諱賁懿表其門曰譽高

八采嗣子方進字登~~三~~號敬止事嗣母以孝聞兄
方恒方誌家中落一切生養死葬悉獨任之治家
最嚴教子以實學性豪爽輕財好施有父風潘邑
侯修書院捐銀捐地爲膏火資蔡邑侯以事罹獄
爲之養親資其盤費凡親族婚嫁喪葬資助悉不
遺餘力歲饑擇其尤苦者按月給糧人皆德之卒
年七十

陳繼虞字堯墟歲貢生贈廣西陽朔縣知縣有孝
行母李氏患風痰症日夜調護湯藥必親奉歷七
年未嘗交席宗族鄉黨皆稱之生者讀書母患名

師講學親族子弟成就者無數已未歲水患秋禾
多損壞出所藏谷二百石以周鄉里

賈懋勲字令述監生端方坦白與人謙和犯而不
校周急濟貧毫無所吝有鄭林山貧無所歸與金
使娶婦且授以地後林山年九十卒具棺木葬之
有孤子何守安家貧不能養母助以金爲之置室
俾母子樂業有馮超者鰥居無後亦曲全之監生
周化魯因嗣母守節不能旌表亦助銀俾得申請
其生平力行善事如此子學濂字勉齋監生居心
行已亦敬守父業云

侯祉毓字爾弗如曾次子性恬適淡於世味遇事
善斷雅不與人爭競親族有不給者不惜傾囊助
閭邑推爲盛德云

侯綖字昭慶少好學入邑庠捐貢生屢試屢薦皆
不第遂絕意仕進乾隆四年邑被水災平糶粟二
千石捐穀千石全活甚衆士大夫俱賢之

李方韓字淑黎號效文西安令維嵩孫興安令懋
勲子年十六補邑庠生九試棘闈三薦不售援例
捐貢好施藥活人東門外路地勢窪下出資修之

以便行人邑侯王公給匾旌獎曰心字利濟

務含琬字蒼舛方貞子鄉貢才多與陸子何選少
判稟性醇謹好施與務以德感人鄉隣爭鬪公至
不勸自解家本中資而濟人不倦至盛寒典裘服
代人贖子女壽八十一卒教子本成進士見武功
傳

孟叶吉字貞符邑庠生賦性剛方動循禮法爲一
鄉矜式又樂善好施歲凶有袁氏婦鬻女於陝客
判袂時女啼吉見而憐之代償其值收養數年遣
之歸膏製棺木有貧不能殮者輒與之有借券數
十約三百餘金盡焚之乾隆戊辰吉年八十有八

子醒孫體仁太學生曾孫勰勇武生元孫龍會五
世一堂鄉里公舉邑侯王旌曰維德乃貞

李方升字冲漢杞人通許籍維嵩孫懋治次子賦
性聰慧通經史善屬文弱冠人庠食餼康熙庚子
科領薦次年禮科不第偶得疑疾遂絕意進取閉
戶讀書益勤於學選授甘肅伏羌縣令以親老體
弱不欲遠行改授光州學正抵任後造士多方文
風丕振在任二年以疾卒

李方亮號漢奇字臥亭維嵩孫捐州同職生而穎
異幼失怙事母至孝纂修志四十年如一日

東門人公其孝也兄家中產多疾無者色俱
兄領病薦後得延疾公除舍居之曲爲體恤後卒
於任櫬歸營葬一力贊助與人交務敦厚好生戒
殺一切昆虫不忍傷見打生者擒獲輒買以放之
教子以義方尊師重道三子公路公檢公柳學行
兼優皆早入庠年逾七十卒

楊國棟事父母極孝父有癰疾臥床十載棟日侍
湯藥晝夜無間父歿喪葬盡禮又嘗施五毒膏濟
人貧家有嫁娶必量力助之康熙四十八年歲大
歉棟於光州買白米五十餘石歸家盡以賑族人

邑侯潘思光舉爲鄉飲饌賓年八十六卒

牛世貴字興宇賦性純篤治家嚴肅子五人耕讀
貿易各授以職家不中資遇婚喪不給者輒量力
周濟里有爭訟每百方排解務俾和睦享年八十
六時元孫大昌已數歲矣前此貴父加運壽八十
六而貴長子星燦壽八十四俱見元孫五世一堂
者歷數十年次子庠生開禧壽七十餘孫繼善現
年八十祖孫父子俱登壽考人咸謂厚德之報
李方誌字寅賓號奉善維嵩孫平生樂善好施又
樂與人爲善其懿行最著者如設立義塾二十餘

年成就人材甚衆施藥救人不吝資財鄰里婚葬有不給者無不資助邑侯王之衛表其門口義周桑梓

胡駒字漢英候選縣丞范之孫具體子也英明好義幼業儒精醫道有貧而病者嘗給以藥資間或以參苓濟人乾隆辛巳黃水泛溢幾入城駒措勢陳策捐稽數百錢三十千畝夫築堤捍禦城得無患至今咸稱之

李方書號素存通許籍杞縣人維嵩孫捐州同職賦性端方敦孝友寡言笑重然諾周急濟貧有求

必應曾施棺木綿衣十餘年戴德者甚衆年七十
六卒

馬繼先號予相杞縣籍居睢州康熙庚午科武舉
候選守備因繼母年高不忍遠離遂終身不仕平
生規行矩步恬淡自守不入公門康熙四十八年
歲歉捐谷三百石親族里黨有求必應知州胡范
旌其閭曰六行克敦年八十一卒

賈紹字稚川號守拙性恬淡好學不應試持身端
方著家訓一冊以示子孫鄉里重之壽九十八歲

乾隆十一年學憲汪以督平垂谷表其閭

李公義號酒中字隴山例貢維嵩曾孫父早逝事母以孝聞兄嫂俱早世遺一女弟亦早亡遺子女三公撫如已出俾各婚嫁成立值修城邑侯李公屬爲董事公竭力經理一切經費出入累千萬緡毫無誤人咸重之年七十卒

蔣廷敷邑東呂興集人賦性忠厚事父母以孝聞兄弟三人同居共爨終身無間言自言平生每得力於忍讓二字遇荒歉常出薪米濟人壽至七八歲學憲李以模楷一鄉旌其門

徐觀象字公緯太學生兄弟四人象家產獨豐買

地七頃分給之乾隆四年歲大歉出所積粟以濟貧乏賴以生者甚衆年七十三卒

李懋功字遜如維嵩次子廩生考州同職賦性孝友持正不阿人多嚴憚之輕財重義親隣貧乏者無弗周濟歲饑佃戶積欠百餘千俱免之

李方恒號聖基字敬一維嵩孫懋功長子廩貢生保授汝陽縣司訓課士有方寒士雷書聲貧不能讀慨給資斧轉浙江嘉善縣丞仁聲丕著旋署奉化縣篆未抵任丁父艱遂絕意仕進日惟省墳墓課子孫栽花種竹以自娛年九十三卒

陳昌言字禹俞繼子授獲嘉令諸冠鉅野知縣
題補江陵知縣捐銀二百兩以恤貧乏谷六百石
以贍廣濟育嬰二堂白邱集南施義塚焚燬二十
五年總督王旌其門曰善式鄉閭

劉國賢字明宇賦性寬厚有犯之者處之坦然家
初貧深知窮困苦凡遇急難極力周恤每值歲冬
必廣製綿衣以給貧乏夏則設茶要路以便行人
子懷玉字抱璞慷慨好施利西南有萬彩河橋梁
傾圯人皆病涉玉抒貲修補所費累百金生平樂
善好施綽有父風卒年俱逾古稀人咸為積德

福云

韋體賦性最厚生平無隻字入公門故其宗族和睦鄉隣嘉言懿行洵足風也邑侯周給匾旌之

崔瑗字協律號居易開封府學廩膳生性孝友好誨書年十八父歿善事繼母撫幼弟璚成立與人接溫厚和平善於教人從學者多知名士然終身不第識者惜之

崔興祖字昇菴坊次子府學廩生以長厚重鄉里兄亡姪幼撫如己子有姊適單氏而寡家貧無子奉事孀姑與祖養之三十餘年

助天秋字龍爵篤於天顯樂行善事與弟天通
箸宅產美者盡讓與之乾隆癸酉連年凶荒有寡
姊貧乏不能自給終身周恤凡修葺橋梁周濟姻
族義舉不可指數子超有父風堂姪守成貧無立
錘竭力爲營婚娶又嘗鬻產爲外家償債里中傳
爲喬梓濟美云

董憲舒字漢傑太學生嗜詩書文有奇氣事親色
養兼盡敦倫睦族堂弟憲天憲昌負債累千金舒
將分祖業地五頃悉售以償仍給衣食濟之乾隆
四年大水佃戶親鄰賴以舉火者數十家卒年七

十餘邑侯甯佑題其門曰圖橋奇英

董憲份字漢儒增廣生性孝友父病衣不解帶日
不交睫歿後居喪如古禮胞姪默少失怙撫育猶
子姪天姪婦李無子份代理其家爲立嗣且教諭
之聞者莫不嘆賞年六十八卒子煦太學生立行
純篤有父風

徐夢熊字渭濱號汝叶附貢生性仁厚每歲饑輒
煮粥以濟貧民間或以蒸餅熟食濟之全活甚衆
凡里中有婚喪不給者必勉力以助人皆稱長者
莫顯字念慈東唐山人生月致遠學平主以孝弟

潔自園言讀書善教授生徒貧乏者不計修脯
或給以飲食一時成就者甚衆

竇溥字宏度性質直不爲詭隨嘗面折人非無不
帖然服者里有爭鬪經溥排解卽釋蓋行足取信
也繼叔民金爲嗣事嗣母以孝聞有同懷弟亡撫
育弟婦幼姪屢經凶荒未嘗失所溥母舅興甫牛
公早世病革時以二孤託之溥爲經理家業歷二
十年不倦後孤成立田產益增人咸稱之年七十
七卒

朱誠則字維醇性端慤好義舉鄉里困乏多所周

濟宗族間老而無依者給以衣食死則殯葬之雖爲刀筆吏而所行有鄉先生風

劉宗孟字孝思候補典史負性純篤三歲失怙母病親奉湯藥數月不倦母卒盡哀盡禮平生以朴實自勝以忠厚待人親族多沐其周濟者年七十卒

王廷敬溝陵紀家庄人負性敦朴事親以孝居家以和平日竭力濟人不可枚舉

陳廷樞字景峯候選州判居心醇謹事親極孝樂

善好施至今人皆慕其德

侯廷璠字無瑕別號夢覺八歲失怙事母極孝少
好學有異才目下數行因果家計未獲進取爲人
剛方輕財好義然諾不欺排難解紛不避疑嫌里
黨皆畏敬之耄年嗜學日以孝經小學教子姪雖
深更寒夜未嘗倦也年七十卒

王惟馨字尚文太康瑯琊岡人後遷杞東南程家
樓幼穎悟雅尚文學援例應試雖未獲一售而閉
戶讀書至耄不倦且孝友天成事親色養兼盡與
兄惟懷終身無間言遵先世遺訓以勤儉治家遂
致豐裕凡宗族鄉黨冠婚喪祭有求必應至今人

咸慕之長子九域號萬甸就布政司理問次子九儀號聖襲前由浙江布政司經歷遇

覃恩勅封馨爲儒林郎現任湖南寶慶府理猺同知例贈奉直大夫孫敷言立言相繼入庠豈天之所以報施善人者固自有在古人所謂不得于身必得于子孫者其理信不虛云

杞縣志卷之十八

人物志六

遊俠

僑寓

方技

耆農

遊俠

太史公敘遊俠與儒並稱後或詆之然所貴於儒者謂其能明理達用有濟於世而俠者則慷慨尙義往往能抗言申義如魯仲連或挺身救危如朱家郭解之屬至於禦強暴保城邑則更爲儒者之所病未能焉然顧可少乎哉若夫作不逞施不怨凌弱暴寡營私罔上此之謂大奸猾抑又俠者所弗許也

戰國

徐子者魏惠王時人也魏太子申自將過宋外黃
外黃徐子曰臣有百戰百勝之術太子能聽臣乎
太子曰願聞之客曰固願效之今太子自將攻齊
大勝則富不過有魏而貴不益爲王若戰不勝則
萬世無魏此臣百戰百勝之術也太子曰諾請必
從公之言而還客曰太子雖欲還不得矣彼利太
子之戰攻而欲滿其意者衆太子上車請還其御
曰將出而還與北同不如遂行與齊人遇戰而死
卒不得免

秦

外黃令舍人兒者秦二世時人項羽擊外黃外黃
不下數日降羽悉令男子十五以上詣城東欲阬
之舍人兒年纔十三往說羽曰彭越強劫外黃外
黃恐故且降待大王大王至又皆阬之百姓豈有
所歸心哉從此以東梁地十餘城皆恐莫肯下矣
羽然其言乃赦外黃當阬者東至睢陽聞之皆爭
下項王

隋

王季才俠士也大業末李密避地淮陽有告太守

趙陀者陀捕之遁免來依其壻雍邱令邱君明因匿季才家爲吏迹捕復亡去君明坐死季才不知所終

明

李大者名倬字雲漢異狀殊才沉幹多技身過六尺力勝千斤年二十餘喜擒盜盜遇鮮有脫者盜聞名輒遁去四方負氣之士皆求結納嘗過淮淮有劇盜齊魁者乘一鉅舟從以小舟百餘往來劫掠勢漸張土兵不能敵漕督懸格募捕大卽應募大度魁無紀律可擒乃令土兵操舟遠伏密授望

者以計獨以二壯丁駕小舟與識魁貌者一人臥
舟中作漁舟狀薄魁舟魁弗意大突起持鐵鞭躍
入魁舟擊破其顙挾過我舟放舟去餘黨追之大
立舟前且射且行不得近俄而伏舟戟幟皆起餘
黨奔散漕督犒之金弗受又嘗如京適遇邏卒追
盜大卽與偕數盜操刃據古廟衆莫敢前大佯取
酒飲目盜尤黠者二人忽挺劍躍入直斬二人首
餘皆披靡伏縛盡付邏卒上馬去隣境有羣盜登
樓拒捕大念日久必逸乃計焚旁舍草衆趨救火
盜果下走大先垣下伏壯丁盡獲正德辛未薊寇

劉七等擁衆數萬過杞忌大名遠之時大適遊金陵當道有薦大才畧可將者司馬彭澤授鉞勦賊辟大贊畫而大已病故矣

袁際可幼讀書不成遂棄去爲臂鷹走狗之事然任俠好義嘗狎一娼有少年侮之者際可挾匕首欲刺之少年蒲伏謝罪際可笑曰吾刺汝如几上肉爾汝旣屈服勿污吾匕首又出金帛賞之其濶達不羈類如此閭中有爭訟不平者往往就決及出片語無敢不心折而服性善騎射或勸以舉武

斗乃折節讀係吳書意津津然每論霍衛甘陳之

烈輒捋鬚狂叫儼然有封狼居胥意神宗壬午冬
乃應武試鄉人餞之酒酣振衣歌曰河南河北兩
徘徊未卜登壇拜將誰梁園總有桃千樹歲歲花
開須讓梅人皆壯之比揭曉果列鷹揚第一尋病
死未竟其志

孟紹謙字心法生而倜儻善騎射尋中崇正庚午
武舉甲申李自成僭號

王師未至杞置有僞令一時爲仇敵所譖誣爲叛逆
激大兵將欲屠杞杞士民惶懼不知所措謙慨然
出爲排解百方辨難疑尙未釋乃以其子問驥質

軍中一夜解散入營土兵十餘萬闔邑始皆帖然
蘇更生字印三博聞強記有聲庠序間明季流寇
王李自成侵掠至杞出榜諸生有以儒服見者延之
更生慨然發論勸其去偽號歸命朝廷如朱溫背
巢歸唐故事觸其怒欲斬之械繫待命會左營有
變得脫

國朝鼎革後仍折節勤舉子業藩司楊猶龍季試見
其文深賞之然累困場屋遂頽放無進取意沉酣
麴蘖以終餘年

余讀漢書藝文志見所謂徐子四十餘篇意其人

博辨士也及讀戰國策深怪其能料太子之無類而不能令其必還以視夫舍人兒年僅十三出奇而活數萬之命徑庭矣倬之擒獲諸寇際可之任俠好義切之奇男子更生謙埒虎鬚而終免於噬益非儒生所能辦孰謂俠無取哉

僑寓

漢

張耳大梁人嘗亡命遊外黃外黃富人女甚美嫁庸奴亡其夫去抵父客父客素知張耳乃謂女曰必欲求賢夫從張耳女聽乃卒爲請決嫁之張耳

是時脫身遊女家厚奉給張耳張耳以故致千里
客乃宦魏爲外黃令名由此益賢項羽入關立耳
爲常山王陳餘以兵襲耳耳反走歸漢漢遣耳與
韓信擊破趙并陘殺陳餘追殺趙王歇遂立耳爲
趙王後卒諡曰景

宋

韓億字宗魏其先真定靈壽人徙開封之雍邱後
徙許之長社億舉進士知永城縣有治聲運判陳
州會河決治堤費萬億計不賦民而營築之累遷
尚書屯田員外郎知相州河北旱轉運使不以實

聞億獨言歲饑願貸民租尋爲殿中侍御史仁宗
初進直史館兼侍御史叛大理司丞時三司更茶
法歲課不登億承詔核之由丞相而下皆坐失當
之罰其不撓如此除龍圖閣待制奉使契丹時副
使者妄傳皇太后旨於契丹諭以南北歡好傳示
子孫之意億初不知契丹主問曰皇太后有旨大
使何不言億曰本朝每遣使皇太后必以此戒之
非欲達於北朝也契丹主大喜曰此兩朝生靈之
福也人謂副使旣失辭而億更以爲恩意甚推美
之景祐二年以尙書工部侍郎同知樞密院事時

承平久武備不戒乃請二府各列上才任將帥者數十人稍試用之又言武臣宜知兵而書禁不傳請纂其要授之尋除戶部參知政事加資政殿學士官至尚書左拯以太子少傅致仕卒贈太子太保謚忠獻億方正自持每見諸路有攜拾官吏小過者輒不懌曰聖主之心雖昆蟲草木皆使之得所今之仕者奈何錮之於盛世哉八子皆顯達時號八鳳絳維續最著韓絳字子華舉進士甲科直集賢院歷戶部判官江南饑爲體量安撫使行

更長收上祭民大兌吏司參起去主二宗寺翼

右正言河決商胡用李仲昌議開六塔河而患泚
甚命絳宣撫河北時宰主仲昌議人莫敢異絳劾
其蠹國害民罪不可貸仲昌遂竄嶺表嘗問天下
遺利絳請盡地力言差役之弊願更定其法後議
始此代陳升之同制置三司條例王安石每奏事
必曰臣見安石所陳非一皆至當可用陛下宜省
察安石恃以爲助熙寧三年參知政事夏人犯塞
絳請行邊絳素不習兵事措置乖方部兵皆怨望
致囉元撫寧二城陷議者罪絳罷知鄧州七年復
代王安石相未幾罷知許州哲宗立更鎮江軍節

度使開府儀同三司封康國公元祐二年請老以
司空檢校太尉致仕卒年七十七贈太傅諡曰獻
肅 韓維守持國以進士奏名禮部名試學士院
歐陽修薦爲檢討知太常禮院禮官議祫享東向
位維請虛室以待太祖溫成后立廟用樂維以爲
不如禮裁去神宗封淮陽郡王潁王維皆爲記室
參軍王每事咨訪維悉心以對左右史闕英宗訪
除授例執政以維對遂同修起居注侍邇英講帝
初免喪簡默不言維上疏曰邇英閣者陛下燕居
之所也寺於則者皆獻納論思之臣陳於前者非

經則史可以博咨訪之義陛下之言此其時也進
知制誥知通進銀臺司顏王爲皇太子兼右庶子
神宗卽位維進言天下大事不可猝爲比設施宜
必有先後因釋滕文公問孟子居喪之禮以伸規
諷帝嘉納之除龍圖閣直學士熙寧二年知開封
府安石惡其言保甲事出知襄州七年召爲學士
承旨入對帝曰天久不雨朕日夜焦勞奈何維曰
陛下憂閔災旱損膳避殿祗故事耳恐不足以應
天變當痛自責已廣求直言因上疏乞罷青苗錢
詞極痛切上感悟卽命草詔求直言詔出人心大

悅有肯體量市易免行利病權罷方田保甲是日
乃兩王安石罷進資政殿學士元祐初召兼侍講
如大學士時更役法命維詳定四疏多言其便維
謂司馬光曰小人議論希意迎合不可不察執政
欲廢王安石新經藝維以當與先儒之說並行論
者服其持平久之以太子少傅致仕加少保紹聖
中坐元祐黨降謫均州安置元符元年卒年八十
二徽宗初追封舊官 韓縝字玉汝登進士第僉
書南京判官仁宗時水災求直言縝上疏曰今國
本未立無以繫天下心此盛陽微之應詞極切

切劉沆薦其才命編修三班出爲河北轉運使夏諒祚死子秉常嗣遣使求封冊朝廷方責夏人不修職貢欲擇人詰其使乃命纘往纘至驛問罪使者引服奏上帝悅熙寧七年遼使蕭禧來議代北地界名纘館客遂報聘令持圖策致遼王與禧分畫以分水嶺爲畧復命賜襲衣金帶進龍圖閣直學士哲宗立拜尙書右僕射以太子太保致仕卒年七十九贈司空謚曰莊敏

蘇洵字明允蜀眉山入年二十七始發憤爲學舉進士及茂才異等皆不中悉焚常所爲文閉戶益

讀書遂遍六經百家之說下筆傾刻數千言致和
嘉祐間與二子軾轍來京師翰林學士歐陽修上
其所著文二十二篇旣出土大夫爭傳之一時學
者競效蘇氏爲文章時未卽用寓雍邱久之除秘
書省校事郎會太常修纂建隆以來禮書爲因革
禮一百卷書成方奏未報卒賜其家縑銀二百軾
辭所賜求贈官特贈光祿寺丞

金

郭丙永和人登進士值金南遷丙同妻王氏避亂
居杞兵渡河夫婦相失王氏暨其少女被掠立謂

國朝

女曰今夕不死辱矣吾勢不能顧汝遂投河而死
亂定丙還鄉感其義終身鰥居稱爲義夫節婦焉
龍燦字劉又江西吉安府吉水人也幼英敏善屬
文年十四應童子試輒冠軍益研精舉子業志期
進取由明經授饒州府餘干縣教諭性方正不阿
士人咸嚴憚之陞四川保寧府廣元縣知縣潔已
愛民重士習修學校捐資以立義塾延師儒童
服闋補雲南雲南府宜良縣知縣治屬衝繁民習
靡麗燦蒞任月餘集邑之縉紳先生及父老子弟

於明倫堂諄諄勸以去華就朴讀書課農士民欣
欣向化宜邑舊有義學書院頽廢已久燦捐饒重
構舍宇煥然乃擇邑之學行素著者以爲師月課
季考拔其優者重加獎賞文風丕振勞心撫字不
急催科陞兵部車駕主事轉職方員外擢刑部司
南司郎中辦事勤慎旋監督通州大西倉事釐奸
剔弊滑蠹屏息嘗語諸子曰河南人情淳樸汝兄
弟五人長者當歸故土守祖宗墳墓余與兩幼子
將居河南卜葬其生母於小柏樹坡葬繼室李氏

於貴氏皮墓居於祀

胡范字在文直隸峇城人也父冀仁累官清廣布政使范性至孝年九歲遭母喪晝夜號踊不絕甫弱冠父方爲湖南督糧道值雲貴用兵羽檄旁午而長沙當南北孔道軍需皆取辦焉范遂輟舉子業經理其事精勤敏練貴州巡撫楊公雍建奇其才勸之仕遂起家爲陝西山陽知縣縣居萬山中當兵燹後城郭官廨倉庫學校悉殘毀范次第修葺其父歲以千金寄范悉出之爲邑中公用又招流亡勞來安集墾荒給種勸農積穀凡十有二年民用富實至辛未壬申間關中大荒而山陽一小

邑獨不被災長安左右諸大縣民反就食焉旋遷
河南睢州知州兼攝商邱縣事有霍氏者與其隣
孔希遠陳文道有隙斫尸誣告前令逮治竟誣服
范下車立雪其寃歲壬午兩河大水民薦饑多方
設法得粟萬餘石開厰煮賑隣封之民耄稚扶攜
而至日有萬人每昧爽輒單騎臨視薄暮乃歸及
罷賑又量其道里遠近以給行糧民皆感泣丁外
艱後補廣西賓州知州又遷戶部員外尋轉刑部
郎中斷疑獄定大案人咸服其平允出爲廣東韶
州府知府韶有關稅每三倍於正額而吏復私徵

船稅行旅苦之范升石道旁盡葺其弊輿作如鬼
病輒延巫范特禁之議者以比第五司空之治會
稽焉初范治睢時往來大梁過杞邑樂其風土及
丁外艱遂僦居於杞後守鄆四歲又丁繼母憂以
故鄉遼遠未能歸復携眷屬至杞自卜墓地有終
焉之志未幾卒諸子承父志葬其地因家焉

胡具體字季微號立峯直隸容城人因官河南遂
居雍邱幼仁厚長好學屢試不第以川運例捐知
縣庚子選河南商邱未任丁外難服闋補山西壽
陽知縣邑西有高家坡道路險阻行者苦之乃捐

俸修治至今名其地爲胡公坡在壽七載以最陞
朔平別駕內艱闋補江蘇婁縣至任卽捐俸修文
廟及普育二堂婁有二里涇與泖浦接可通舟楫
溉田畝後因事築壩漸高遂欲截上流之水永不
復開公懇上憲履勘開通如故民皆稱便焉調南
漕稱劇邑以實心行政恩威並用遇命案必追究
得情無牽累民咸感之以疾解職送者塞路歸後
爲祖父償宿負數千金睦婣任卹濟貧乏又其餘
事卒後人皆思之

舊志曰珠藏於淵赤水爭光乎合浦劍埋於獄斗

牛下濁乎豐城然則張耳韓彭其夏封之美珠汗
東之寶劍矣乎標爲僑寓良有以也若乃漢高依
耳於布衣光武問伯於園林魏文吹簫於繡虎宋
眞表石於空桑此非帝之盛跡乎他如韓宣受逆
女之勞張儉匿亡命之軀王安之存孤樹義世杰
之歸正盟心又非古人之芳躅乎迨及晚近亦有
可述涇野施惠而陌路同春空同攬轡而詞壇生
色蓋皆常留去鴻之迹遺飛鳥之音而一切不著
者何與以身惟止於暫羈未比乎僑寓也覽者毋
謂冥搜有遐遺哉

方技

甚哉風會之日流也大而經濟之事性命之學固已遠遜古昔矣卽微而一藝亦有不能遽精者豈天有以限之乎抑鹵莽而不學也他姑勿論如字學醫卜之學皆君子所當盡心者而世顧習焉弗察何哉傳曰雖小道必有可觀者焉吾故取其精者列於篇

唐

江思遠陳留圉人有孝行高節征西將軍庾亮請

爲儒林參軍與謝叡曹龍丁處易惠等來見系

之書

明

霍昂字時舉以博雅著名嘉靖中以明經授盱眙
簿尋棄歸好讀書精研字學妙達卜筮之理時大
盜師五冠歸德聲言取杞邑令懼召昂卜之啟匱
著散墮地昂喜曰卜者主也著者敵也主敵兵潰
散之象著成果吉冠尋滅令大奇之嘗謂人曰今
人學識字譬如瞽者認人其曰某爲誰某爲誰但
聞名而已其人之長短肥瘦顏色性體則槩乎未
之見也因著字學正傳一書起金部終日部凡四

百四十有四從字母次第也覽者謂爲博大精詳
云卒年八十八

李可大字汝化與昂同時爲諸生因母病遂徧覽
醫書久之忽大悟曰盧扁在是矣出而醫人無不
隨手奏效者用藥好以奇勝不拘舊方一梓人母
年四十餘手大指忽腫因偃仆不知人事診之曰
此必月信至而適爲冷水所觸也問之信然用當
歸甘遂湯而愈一婦人產後大喘醫戒用參診之
曰此孤陽絕陰也正宜用參遂加蘇木爲湯飲之
喘立止時新鄭相家居聘可大視疾至診其脈曰

公心脈如蟬鼓翼越五月當大拜抵期果應於是
可大名振兩河因勸入太醫院授修職郎時朱錦
衣子甫一歲晝夜啼不止請醫之戒勿見兒恐成
客忤可大曰但隔壁聞聲足矣朱許之可大曰啼
而不哭爲痛用桔梗湯調乳香灌之卽愈有族母
年七十餘中酒昏迷無氣諸兒以爲已死將入殮
可大至見目未陷心尙溫曰此母不死吾能起之
諸兒涕泣求救乃取井底泥塗母心上用黃連葛
根湯灌之已而果甦於是邑中相傳可大能起死
人可大曰彼自不死耳特熱極氣滯其狀若死故

能起之非真能起死人也李進士病虛損痢疾腹
痛異常用人參五靈脂治之眾醫皆訝曰二物相
畏奈何同用曰不聞相畏而後能相使乎藥下果
愈鄢陵陳令病傷寒昏沉將屬續可大診視曰此
可救也用竹茹犀角灌之而愈甯縣尉亦病傷寒
身皆冷口出清水診之曰陰毒已極用附子一味
醫之亦愈邑諸生董養性發熱口乾久而咳嗽吐
血醫皆以爲虛症診之曰汝脈結結爲鬱症非虛
症也用蘇子香附益智等藥數服而愈董大奇之
因乞爲弟子以學醫焉卒年六十有九孫角有文

爲周世子妃子孫繁衍人以爲厚德之報云

曹翁者明末人精占卜事能前知每鄉試年元良必黏隱語於顯佑廟見者莫解榜發始奇驗如萬曆乙卯云二士入桃源謂劉詔也肇詔同音故耳天啟丁卯云一門三閣老馬上二狀元章臺逢折柳桃李入公門謂閭先行馮璋柳如松李來庇也崇正庚午云易木重明在庚方五馬徐來照洛陽更有金刀後勁強謂楊天馳居邑西馬之馳馬呈德徐字爲二人劉聖箴居榜末也已卯云巍巍北斗燦文星元武祠前二師臣兩貝更有弓長也泰

山之下問嘗右謂何印光賈鳴珂張元泰孟罔驢
賈張居元武祠左右也此類不能悉紀人初不知
爲翁所爲咸以爲神後有知而問之者笑曰夢得
之耳吾亦不解終不言其所以亦不爲人占國變
後莫知所終

國朝

杜曙字旭初鄉飲介賓幼好丹青專心摹倣名蹟
因而有得人物山水翎毛花卉俱能傳神至蘭石
荷花運筆潑墨之妙尤精工焉新安呂氏題其亭

曰先心東留午令曾其虎曰雲英一寺今重其堂

求之不易得

馬光炳字維棟體乾孫也幼讀詩書入太學攻舉
子業見赤子多以痘殤兼習痘疹因精通焉一隣
人王義和子出痘諸醫皆謂逆症不治及炳至則
曰此險痘耳果兩劑而愈一韓秉福子出痘他人
醫治七日不見起長復灰白頂陷炳視曰此氣虛
也遂出所帶人參等藥治之立効又有張錫臣子
八日痘不長片片紅紫如雲炳曰此夾癰瘰也除
癰痘自起矣如方以治果應厯來活人無數且有
貧不能服藥之家炳卽助以藥資或必需人參亦

以所有濟之一時有仙手佛心之譽

侯天銓字鑑衡于趙六世孫冲齡失怙母吳氏苦
節撫育成立賦性聰慧多巧思奇技所造銅漏名
承運天成其制木樓一座內置銅壺貯水以銅龍
引水逆上涓滴如珠絕頂懸一鐘旁立傀儡應候
自擊其下一門每一時一木偶持時牌立其中後
壁畫六十四刻一金蝦蟆旋轉其上最下一龍口
突出越三時一洩積水龍口上一門自開司水官
自內出水盡則退門一自閉上下機關轉運皆水
之力也累與元順帝宮漏相仿而西羊利馬寶所

囊銅壺滴漏亦槩相同銓未經師授而創
多異之

王澤字振五武庠生居邑南郭外博覽經籍
典素問諸書貧無力者施藥不受其值活人甚
邑侯李錫嘏患痢屢治不痊爲之清解病遂痊
晉商王某患亡陽症大汗不止澤以藥投之一服
卽愈子大麓邑庠生亦通岐黃能世其家學云
劉尙勇字君重世爲杞人負資聰穎精於數學所
著有數學窮源韓劉問答書皆能因端竟委得其
奧旨儒學教諭葉介封訓導傅念祖表其墓云

按字至沉約醫至叔和非世所稱卓然名家者耶
然約之四聲叔和之六脈吾終疑焉夫天有五行
人有五德樂有五音此自然之化也而謂聲止於
四可乎上古診法多取寸口或於十二經動脈求
之或參以人迎其法至活未聞拘拘以六部分屬
臟腑者其所稱命門三焦又大異內經扁鵲之言
乎至於其道其理淵微自京房管輅號為精
於易者三才之全身遠害而況世俗之區區
者乎夫史記之著枯草也神而顯之存乎其人
而節之斷之亦猶道參理也

學者當求其可傳焉毋得半而止以貽掘井爲山
之誚可耳

耆農

周設田畯孟春命舍東郊相土地所宜五穀所植
躬親教道先定準直重農事也漢唐以還或廢其
官或沿制而異其名

國朝雍正二年

命各府州縣歲擇以勤勞儉朴身無過犯者給以八品頂
帶以示勸民至意焉

聶柱雍正二年舉

何述聖雍正三年舉

劉繼昌雍正四年舉

蕭峻德一百一十八歲雍正四年

特恩倍賞壽民建坊銀九十兩

劉翰雍正六年舉

聶文命雍正七年舉

鄭加信敦本睦族輕財重義雍正八年舉給匾旌

表

孫之俊務本立農長厚可風乾隆元年舉給八品

貢帶

楊 琰謹厚和平孝友端方乾隆元年舉給

頂帶

劉兩玉

劉繼仁

葛世則

王 延

邵克全

姚澤久

李之禮字儀則

張 懷

謝廷士

陳孔傳

以上十人俱乾隆三年舉

史雲鶚濟困扶危德壽兼優乾隆六年舉給八品

頂帶

陳天順

侯榴成字和齋溫厚和平孝友端方乾隆五十年

舉給八品頂帶

鄧梁乾隆五十年舉

